


17 - NAMNA YA KUGUNDUA BANDIA



Udanganyifu Mkuu Kuliko Wote Duniani



Mojawapo kati ya ulaghai mkuu uliopata kurekodiwa ulifanyika miaka ya mwishoni ya 1960. David Stein, kijana stadi wa Kifaransa, alichora picha zaidi ya 400 alizojiiga tu toka kwa Wachoraji (wasanii) wakuu wa zamani-akawa:

Picasso bandia, Chagall bandia, Renoir bandia, na Van Gogh kati ya wengine.

Aliweka sahihi za majina halisi ya hawa wasanii waliojulikana katika picha hizi kuu na kuzitoa kana kwamba ni halisi. Zilikuwa ni matoleo ya udanganyifu.

Zilionekana halisi kiasi kwamba, zilitajwa kuwa halisi!



Hadi leo, picha za kugushi 110 tu ndizo zimetambulika na kurejeshwa. Stein alikamatwa mwaka 1972 na kutumikia kifungo katika vipindi viwili ; kimoja kule katika gereza la Sing Sing, Paris, Ufaransa.

Aliachiliwa mwaka 1980. Wakati akiwa gerezani Stein alibadilika moyo wake na akaamua kuchora picha zenye sahihi yake yeye mwenyewe.



Leo yeye ni msanii mshuhuri na mhadhiri katika vyuo mbalimbali duniani. Na unafikiri anatoa mihadhara juu ya nini zaidi? Kile akijuacho zaidi - Jinsi ya Kugundua Bandia.

Itabidi ukubali, Stein kwa namna fulani alieleleza ya kwamba si rahisi daima kutambua bandia - hata kwa walio mabingwa!

Lakini, mahiri kama alivyokuwa katika utapeli, waweza kusema alikuwa tu 'mtoto wa kuja' (toka mashambani), kama ukimlinganisha na

17 - NAMNA YA KUGUNDUA BANDIA



5

babu yao wote -Shetani! Mwovu anasimama mwenyewe bila ya kiwango chake hasa unapokuja kwa ulaghai, udanganyifu, na utengenezaji wa bandia. Kwa kweli, Shetani hatendi kazi zake waziwazi. Anatenda kupitia kwa watu wengine, mamlaka zingine na mawakala.

Kama angelikuwa adui wa wazi wa Mungu na kweli yake kungekuwa na hatari pungufu kwa Wakristo kudanganywa.

Hivyo hutenda kazi zake kwa kujificha, wakati mwingine akijivisha sura na vazi la dini-



6

kwa ustadi kabisa akichanganya ukweli na uongo ili kuvuta watu mbali zaidi na ibada ya kweli ya Mungu. Hii imekuwa tamaa iwakayo sana ndani yake kwa maelfu ya miaka.




7

Mungu hatuachi katika mikono hatari ya huyu mdanganyifu mkuu, bali ametuonya katika Biblia hata juu ya udanganyifu mkuu kuliko wote utakao kuwepo mwishoni mwa wakati.



8

Biblia yasema, Danieli mwenyewe alikuwa na ndoto ya wanyama waliokuwa wakiinuka toka baharini.



9

(Fungu: Danieli 7:2,3)

.....Naliona katika maono yangu wakati wa usiku; Danieli aliandika, na tazama, hizo pepo nne za mbinguni zilizuma kwa nguvu juu ya bahari kubwa.



10

Ndipo wanyama wakubwa wanne wakatoka baharini, wote wa namna mbalimbali. Danieli 7:2,3.

17 - NAMNA YA KUGUNDUA BANDIA



11

Wanyama wakitokea baharini?
Hii ina maana gani?



12

Hebu tuihusu Biblia itupatie ufunguo wa kufungua huu unabii wenye kutumia mifano. Kwanza, katika ndoto hii, yapo maji.



13

(Fungu: Ufunuo 17:15)
Ufunuo 17:15 yasema...Yale maji uliyoyaona,ni jamaa(=watu) na makutano na mataifa na lugha.

Katika sura hiyo hiyo, Mungu anamwambia Danieli kile ambacho wanyama hawa wanawakilisha:



14

(Fungu: Danieli 7:17,23)
Wanyama hao wakubwa walio wanne ni wafalme wanne watakaotokea duniani.



15

....mnyama wa nne atakuwa ni ufalme wa nne juu ya dunia..... Danieli 7:17,23
Neno la Mungu linataja wazi ya kwamba mnyama anawakilisha mfalme au ufalme.



16

Wanyama watokeao kwenye maeneo yenye idadi kubwa ya watu yalikuwa yawakilishe mataifa fulani ambayo yangelitokea hapo mbeleni.
Tambua jinsi anavyoyafafanua katika Danieli 7:3.



17

(Fungu: Danieli 7:3)
Ndipo wanyama wakubwa wanne wakatoka baharini, wote wa namna mbalimbali.

17 - NAMNA YA KUGUNDUA BANDIA



18

(Fungu: Danieli 7:4)
Kwanza alikuwa kama simba, naye alikuwa na mabawa ya tai.....
Danieli 7:4



19

(Fungu: Danieli 7:5)
Na tazama, mnyama mwingine, wa pili, kama dubu, naye aliinuliwa upande mmoja,



20

na mifupa mitatu ya mbavu ilikuwamo kinywani mwake katika meno yake.....
Danieli 7:5



21

(Fungu: Danieli 7:6)
Kisha nikatizama, na kumbe! Mnyama mwingine, kama chui, naye juu ya mgongo wake alikuwa na mabawa manne kama ya ndege....
Danieli 7:6



22

(Fungu: Danieli 7:7)
Baadaye nikaona katika njozi ya usiku, na tazama, mnyama wa nne, mwenye kutisha, mwenye nguvu, mwenye uwezo mwingi.



23

naye alikuwa na meno ya chuma, makubwa sana; alikula na kuvunja vipande vipande, na kuyakanyaga mabaki kwa miguu yake.



24

na umbo lake lilikuwa mbali kabisa na wale wa kwanza, naye alikuwa na pembe kumi.
Danieli 7:7.

17 - NAMNA YA KUGUNDUA BANDIA



25

Bustani ya wanyama ya ajabu kiasi gani! Utaon ya kwamba kila mmoja kati ya wanyama hawa hakuwa mnyama wa kawaida. Wote wanazo tabia fulani zisizo za kawaida zinazotusaidia kuelewa njozi.



26

Danieli alipoendelea kuitafakari njozi ya wanyama wanne, lazima alikumbuka njozi ya Mfalme Nebukadneza -- ndoto ya mtu mkubwa aliyetengenezwa kwa madini mbalimbali. Katika ndoto zote mbili, vielelezo vilivyotumika viliwakilisha falme nne za ulimwengu wa kale,



27

kuanzia Babeli, ufalme wa Wamedi na Waajemi, ufalme wa Wayunani, ufalme wa Kirumi,



28

na kuishia katika kuja kwa Yesu na kuthibitishwa kwa ufalme wake wa milele.



29

Hebu turudi nyuma na tutazame kila moja ya wanyama hawa au mataifa wanapoinuka toka kwa eneo lenye watu la dunia:



30

(Fungu: Danieli 7:4)
Wa kwanza alikuwa kama simba, naye alikuwa na mabawa ya tai; nikatazama, hata mabawa yake yakafutuka manyoya,



31

akainuliwa katika nchi, akasimamishwa juu kwa miguu miwili kama mwanadamu; naye akapewa moyo wa mwanadamu. Danieli 7:4

17 - NAMNA YA KUGUNDUA BANDIA



32

Kitu gani kingewakilisha Babeli kwa uzuri zaidi, ufalme wa kwanza wa dunia (uliowakilishwa na kichwa cha dhahabu katika sanamu refu), zaidi ya simba - mfalme wa wanyama?




33

Wababeli wa kale wenyewe je, walitumia simba kuwakilisha ufalme wao?
Wana akiolojia waligundua katika mabaki ya Babeli kielelezo hiki cha simba mwenye mbawa za tai.




34

Kama jinsi simba afahamikavyo kwa nguvu zake na ushindi wake, ushindi wa kijeshi wa Mfalme Nebukadneza ulizidi wote.
Kasi ambayo kwayo Babeli ilipata uwezo wake na kusambaza utawala wake inawakilishwa kwa usahihi kabisa kwa mbawa za tai.
Tambua jinsi Mungu anavyotumia kielelezo hicho hicho cha simba kuiwakilisha Babeli:



35

(Fungu: Yeremia 4:7)
Simba ametoka katika kichaka chake, ndiye aangamizaye mataifa; ameanza kushika njia,



36

ametoka katika nchi mahali pake; ili aifanye nchi yako kuwa ukiwa... Yeremia 4:7.



37

Mfalme mwenye kiburi, na majivuno wa Babeli aliutafakari ufalme wake kama utakaodumu milele. Yaonekana wazi ya kwamba hakulipa nafasi wazo la taifa jingine kuitawala dunia.
Aliandika katika matofali ya majengo, Na udumu milele.

17 - NAMNA YA KUGUNDUA BANDIA



38

Mwezi wa Oktoba tarehe 13, 539 K.K., ufalme wa Babeli (uliowakilishwa na kichwa cha dhahabu katika sanamu la madini na simba mwenye mbawa za tai katika ndoto ya Danieli) uliufikia mwisho ambao haukuwa na utukufu.



39

Ufalme au himaya iliyowakilishwa na mnyama wa pili - dubu - hauwezi kuwa mwingine isipokuwa taifa lililokuwa likishinda la Wamedi - Waajemi, ufalme huo huo uliowakilishwa na mikono na kifua cha fedha katika sanamu kubwa la mtu la madini. Danieli alipomwangalia yule dubu katika ndoto, alisema,



40

(Fungu: Danieli 7:5)

.....Naye aliinuliwa upande mmoja, na mifupa mitatu ya mbavu ilikuwamo kinywani mwake katika meno yake.....

Danieli 7:5.



41

Danieli alisema ya kwamba dubu alikuwa na mifupa mitatu katika kinywa chake kati ya meno yake, lakini Biblia haielezi maana yake.



42

Hata hivyo, wasomi wengi wanaamini ya kwamba mifupa mitatu iliwakilisha



43

Lydia, Babeli na Misri - maeneo makuu matatu yaliyoliwa na majeshi ya Wamedi na Waajemi.



44

Ufalme wa Kiajemi ulitawala kwa karne mbili, lakini licha ya kuwa utawala mkali na wenye nguvu, Mungu alimfunulia Danieli katika ndoto ya kwamba mnyama mwingine, au ufalme, ungeinuka:

17 - NAMNA YA KUGUNDUA BANDIA



45

(Fungu: Danieli 7:6)
na kumbe! Mnyama mwingine; kama chui, naye juu ya mgongo wake alikuwa na mabawa manne kama ya ndege;




46

mnyama huyo alikuwa na vichwa vinne; akapewa mamlaka. Danieli 7:6.



47

Kama jinsi mwendo wa pole wa dubu usivyopatana kabisa na kasi ya juu ya chui, ndivyo ilivyokuwa kwa majeshi ya Kiajemi yalivyoshindwa kujitetea yenyewe dhidi ya mwendo wa kasi wa Aleksanda Mkuu.



48

Katika ndoto ya kinabii ya Nebukadneza, tumbo la shaba na mapaja (au kiuno isemavyo Biblia ya kiswahili) ya sanamu viliwakilisha ufalme wa tatu wa dunia wa Uyunani, na vivyo ndivyo ilivyo kwa chui katika ndoto ya Danieli.



49

mabawa manne huwakilisha kasi ya juu ya ushindi wa Aleksanda.
Alimshinda Dario wa III wa Uajemi katika pambano la Arbela mwaka wa 331 K.K., na hivyo kuwa katika kipindi cha pungufu ya miaka 12 mtawala wa himaya pana zaidi kuliko zote ambazo dunia ilipata kufahamu.
Vichwa vinne vya chui viliwakilisha migawanyo minne ya Uyunani.



50

(Fungu: Danieli 8:22)
...falme nne zitasimama kutoka katika taifa lile,.....
Danieli 8:22.

17 - NAMNA YA KUGUNDUA BANDIA




51

Historia inatuambia ya kwamba Ufalme wa Kiyunani uligawanyika katika sehemu nne.

Aleksanda alikufa katika umri wa miaka thelathini na mbili, miaka saba tu baada ya ushindi wake wa Arbela.

Hata kabla hajazikwa, pambano kwa ajili ya mamlaka lilianza, kwanza kati ya jamaa zake na halafu kati ya viongozi wake wa kijeshi.

Hatimaye, majenerali wanne wa Aleksanda walipata utawala wa ile milki.



52

Sasa mnyama chui, au Uyunani alikuwa na vichwa vinne!

Cassander, Lysimachus Ptolemy, na Seleucus.




53

Watu wengi hupata shida katika kuelekeza kichwa kimoja katika mwelekeo ulio sahihi.

Je, unafikiri ingekuaje kama ungekuwa navyo vinne? Fujo!

Kila kichwa kikijitahidi kuwa cha kwanza!

Kwa hakika hivyo ndivyo ilivyotokea kwa Milki ya Kiyunani, majenerali wanne wa Aleksanda walikuwa wachoyo na wenye tamaa ya cheo, watu waliotaka kutawala ufalme.



54

Kila mmoja alinoa jambia dhidi ya mwenzie na ufalme ukaanguka katika tatizo la mashindano. Aleksanda Mkuu, uk. 494.



55

Vurugu na mashindano yaliendelea kati ya sehemu nne za milki hadi hatimaye, Mwezi wa Juni 22, 168 K.K., katika pambano la Pydna, Ufalme wa Aleksanda Mkuu uliangamia, miaka 144 baada ya kifo chake.-

Historia ya Rumi, kitabu cha 3, sura ya 10.

17 - NAMNA YA KUGUNDUA BANDIA



56

Lakini vipi juu ya mnyama wa nne mkatili ambaye Danieli alisema angeinuka na kutawala baada ya Ufalme wa Kirumi?



57

Malaika alimwambia Danieli ya kwamba huu ufalme wa nne ungekuwa tofauti na zile falme zingine. Mnyama awakilishaye ufalme huu angekuwa na nguvu zaidi kuliko kawaida, na alikuwa na meno makubwa ambayo yaliangamiza mawindo yake. Hapa imewekwa picha ya mamlaka ya kikatili na ya ubaya.



58

Maelezo mazuri zaidi ya kuinuka kwa Ufalme wa Kirumi hayawezi kupatikana.



59

Rumi ilikuwa korofi na isiyo na huruma kuliko falme zote zilizotangulia. Waliweza hata kuangamiza mataifa mazima au kuuza watu wao kuwa watumwa.



60

Huyu mnyama wa kutisha alikuwa na meno ya chuma, wakati yule mnyama wa nne aliyekuwa katika mfumo wa yale madini aliwakilishwa kwa miguu ya chuma.

Danieli alivutiwa na huyu mnyama wa kutisha, na hasa zile pembe zake kumi.



61

(Fungu: Danieli 7:8)

Alisema, Nikaziangalia sana pembe zake, na tazama, pembe nyingine ikazuka kati yao, nayo ilikuwa ndogo,



62

ambayo mbele yake pembe tatu katika zile za kwanza zaikang'olewa kabisa; Danieli 7:8.

17 - NAMNA YA KUGUNDUA BANDIA



63

(Fungu: Danieli 7:24)

Malaika alimwambia Danieli ya kwamba, Na habari za zile pembe kumi, katika ufalme huo wataondoka wafalme kumi... Danieli 7:24.



64

Bila wasiwasi mawazo ya Danieli yalirudishwa nyuma kwa lile sanamu kubwa la madini lililokuwa na miguu ya chuma na udongo, ikiwakilisha migawanyiko ya Ufalme wa Kirumi.



65

Mwaka wa 476 BK makabila ya kishenzi ya kaskazini ya Ulaya yalikuwa yameangamiza kwa ukubwa Ufalme wa Kirumi. Saba kati ya falme hizi (mataifa) bado yako Ulaya leo.




Lakini jambo liliompendeza Danieli zaidi lilikuwa ile pembe ndogo iliyojisukuma yenyewe kwenda juu kati ya pembe kumi, ikizing'oa pembe tatu katika pambano lake la kupata ukuu.



67

(Fungu: Danieli 7:8)

Danieli alitambua ya kwamba ...katika pembe hiyo mlikuwa na macho kama macho ya mwanadamu, na kinywa kilichokuwa kikinena maneno makuu. Danieli 7:8.



Hii pembe ndogo ilimtia wasiwasi Danieli.



69

(Fungu: Danieli 7:15)

Aliandika, Basi, mimi Danieli, roho yangu ilihuzunika mwilini mwangu, na hayo maono ya kichwa changu yakanifadhaisha. Danieli 7:15.



Kwa nini maelezo haya ya hii pembe ndogo yamsababishe Danieli kuwaza kiasi hiki?

17 - NAMNA YA KUGUNDUA BANDIA



71

(Fungu: Danieli 7: 21,25)
Kwa sababu ... na pembe iyo hiyo ilifanya vita na watakatifu, ikawashinda.



72

Naye atanena maneno kinyume chake Aliye juu,



73

naye atawadhoofisha watakatifu wake
Aliye juu; naye ataazimu kubadili majira na sheria:



74

nao watatiwa mikononi mwake kwa wakati,
na nyakati mbili na nusu wakati.
Danieli 7:21,25.



75

Danieli alitambua ya kwamba huu utabiri haukuwa tu juu ya historia ya kidunia, lakini ya kwamba ulikuwa na uhusiano na watu wa Mungu.



76

Pembe hii ndogo ilifanya vita dhidi ya watakatifu wa Mungu na kwa kweli ilishinda dhidi yao kwa kipindi fulani.
Ni wazi, ilikuwa iwe ni mamlaka yenye chuki, itesayo --- mamlaka au wakala atumiwaye na Shetani ili kufanya vita dhidi ya Mungu, watu wake, na kweli yake.



77

(Fungu: Danieli 7:28)
Danieli alisema,fikira zangu zilinifadhaisha,

17 - NAMNA YA KUGUNDUA BANDIA



78

na uso wangu ulinibadilika; lakini naliliweka jambo hilo moyoni mwangu.
Danieli 7:28,



79

Ni nani huyu aliye pembe ndogo?



80

Hebu na tuchunguze maelezo ya Biblia juu ya hii pembe ndogo na kuona taarifa ya kihistoria iliyopo juu ya utimilifu wake.
Danieli alieleza juu ya mnyama wa nne, ama ufalme wa nne wa dunia wa Rumi, kama



81

(Fungu: Danieli 7:7)
... mwenye kutisha, mwenye nguvu, mwenye uwezo mwingi..... naye alikuwa na pembe kumi.
Danieli 7:7.



82

(Fungu: Danieli 7:24)
Danieli 7: 24 inatuambia ya kwamba pembe kumi ziliwakilisha ' wafalme kumi watakaoinuka.'



83

Badala ya ufalme mwingine wa dunia kutokea katika sura ya kihistoria baada ya kuanguka kwa ile ya nne, unabii ulitabiri ya kwamba kungekuwa na mgawanyiko wa Ufalme wa Kirumi, matokeo yake yakiwa ni falme ndogo ndogo kumi.
Historia inatuhakikishia juu ya ile sehemu ya unabii wa Danieli.

A map of the Western Roman Empire, showing various provinces and regions. The map is color-coded and includes labels for several areas: Gallia, Hispania, Italia, Africa, Aegyptus, Syria, Armenia, Cappadocia, Pontus, Bithynia, Macedonia, Thracia, Asia, Lycia, Cilicia, Lycia, Carthago, Numidia, Mauritania, Gallaecia, Lusitania, Baetica, Tarraconensis, Gallia, Hispania, Italia, Africa, Aegyptus, Syria, Armenia, Cappadocia, Pontus, Bithynia, Macedonia, Thracia, Asia, Lycia, Cilicia, Lycia, Carthago, Numidia, Mauritania, Gallaecia, Lusitania, Baetica, Tarraconensis. The map also shows the Mediterranean Sea and the Atlantic Ocean.

Kulingana na mwana historia wa Kiingereza, Edward Elliot, katika kitabu chake *Horae Apocalyptiae*, makabila yafuatayo ya kishenzi yaliipelekesha Milki ya Kirumi tokea 351 B.K. hadi 476 B.K.



Vandals-----Walimalizika



Na kulingana na unabii, pembe ndogo ilikuwa iinuke na kuwa mamlaka kuu baada ya pembe kumi, au migawanyiko ya Ufalme wa Kirumi.



Na habari za zile pembe kumi, katika ufalme huo wataondoka wafalme kumi;




14

17 - NAMNA YA KUGUNDUA BANDIA



89

Mwaka wa 493 B.K., Heruli walifikia hatima yao kwa msaada pia wa Mfalme Zeno.



90

Mfalme mwingine, Justinian, aliwafutilia mbali Wavandal katika mwaka wa 534 B.K. na kisha akavunja nguvu ya WaOstrogoth mwaka wa 538 B.K.



91

Hivyo, pembe tatu za unabii wa Danieli zikang'olewa kabisa, hili likifanya kuinuka kwa kanisa la Kirumi kuwa hakika.



92

Ilikuwa wakati huu ambapo Justinian alitoa tamko la kumsimika askofu, au papa, wa Rumi kama kiongozi wa kidini wa Rumi Magharibi. Danieli pia alitabiri ya kwamba pembe ndogo ingekuwa tofauti na falme zingine:



93

(Fungu: Danieli 7:24)
...Naye atakuwa mbali na hao wa kwanza.... Danieli 7:24. Je, huyu mnyama alikuwa tofauti? Hakika alikuwa hivyo!



94

Falme zingine zilikuwa mamlaka za kisiasa, lakini pembe ndogo ilikuwa kanisa lililotawala mamlaka ya kisiasa.



95

kidole cha kinabii kingeonekana kusonda bila makosa kwa Kanisa la Kirumi la Zama za Kati kama pembe ndogo ya Danieli 7, kama jinsi Wanamatengenezo wa Kiprotestanti walivyodai. Danieli alitoa tabia nyingine inayotambulisha hii pembe ndogo:

17 - NAMNA YA KUGUNDUA BANDIA



96

(Fungu: Danieli 7: 21)

Nikatazama, na pembe iyo hiyo ilifanya vita na watakatifu, ikawashinda; Danieli 7:21.



97

(Fungu: Danieli 7:25)

Alisema pia ya kwamba mamlaka hii inge ...wadhoofisha watakatifu Fungu 25.



98

Je, kanisa la Zama za Kati lilijihusisha na utesaji? Kwa bahati mbaya, Ndiyo!

Mabaraza makuu ya kuwahukumisha watu, vita vitakatifu vya kidini, Wahaguenoti, Wawaldensia, Waalbigense, Miaka Thelathini ya Vita, mateso ya kutumia vifaa kama vitanda, magereza yaliyokuwa chini ya ngome,



99

miali ya moto toka kwa wafia dini waliochomwa katika mti - yote haya kihistoria yanahusiana na kanisa nyakati za zama za giza - wakati wa ukuu wake.

Lakini tunaona ya kwamba kuna tabia nyingine ya muhimu sana inayoitambulisha hii pembe ndogo.




100

(Fungu: Danieli 7:25)

Unabii ulitabiri ya kwamba haya mamlaka yangeazimu kubadili majira na sheria;..... Danieli 7:25.

Je, mamlaka ya upapa katika Zama za Kati yalijaribu kubadili sheria ya kimbingu ya Mungu?



101

Ndiyo, inadai ilibadili Sabato, ikijenga misingi yake katika mapokeo, ikabadili toka Jumamosi kwenda Jumapili.

17 - NAMNA YA KUGUNDUA BANDIA



102

Tabia ya mwisho tutakayojifunza inaeleza ni wakati gani haya mamlaka yatakuwa na ukuu na urefu wa muda ambao itawatesa watakatifu wa Mungu:



103

(Fungu: Danieli 7: 25)

....Nao watatiwa mikononi mwake kwa wakati, na nyakati mbili na nusu wakati. Danieli 7:25. Hapa tunapata mifano zaidi ya Kibiblia.



104

Neno wakati huwakilisha mwaka mmoja na neno nyakati huwakilisha miaka miwili, au siku za kinabii 720.

Nusu wakati ingewakilisha nusu mwaka, au siku 180. Tunapongeza wakati (siku 360), nyakati (siku 720), na nusu wakati (siku 180), tunafikia jumla ya siku za kinabii 1,260, au miaka.



105

(Fungu: Ezekieli 4:6)

Kulingana na Ezekieli, siku ya kinabii inawakilisha mwaka mmoja. ...siku moja kwa mwaka mmoja, nimekuagizia. Ezekieli 4:6.

Mamlaka ya pembe ndogo ilikuwa iwe na nguvu kwa miaka 1,260!

Historia inahakikisha juu ya usahihi wa kipindi hiki cha wakati.



106

Waostrogoth, kabila la mwisho kati ya makabila kumi yaliyopinga kanisa la Kirumi, liliangushwa katika mwaka wa 538 B.K., likiacha kanisa la Kirumi likiwa huru kuendeleza mamlaka yake ya kisiasa na ya kikanisa.



107

Miaka 1,260 kamili baadaye, katika mwaka wa 1798, mamlaka ya kisiasa ya Kanisa la Kirumi yalivunjwa na jenerali wa Napolioni, Berthia.

17 - NAMNA YA KUGUNDUA BANDIA



108

Kama ambavyo tumejifunza katika unabii wa Danieli 7 na pembe ndogo iliyoinuka katika kichwa cha mnyama wa nne, tumegundua tabia zifuatazo zihakikishazo kuwa mamlaka hii ni ya namna gani. Hebu tutizame dondoo hizi.



109

1. Pembe hii ndogo ingeinuka katikati ya Ulaya Magharibi kati ya falme kumi ambazo zilikuwa zimepanda wakati Rumi ilipovunjika. Danieli 7:8.



110

2. Katika kuinuka kwake katika mamlaka, pembe ndogo iliing'oa falme tatu kati ya zile falme za zilizotangulia. Hizi falme tatu zilikuwa ni Heruli, Ostrogoth, na Wavandali. Haya mataifa matatu yalikuwa yakifuata mafundisho ya Arius na yakikataa kumkubali papa kama kiongozi wa kanisa. Danieli 7:8



111

3. Unabii unasema ya kwamba hii Pembe Ndogo ingeinuka kati ya pembe zingine baada ya kuimarishwa. Danieli 7:20. Hii ina maanisha ya kwamba ufalme huu ungeanza baada ya mwaka wa 476 B.K.



112

4. Mamlaka haya yangekuwa tofauti na falme zingine. Ulikuwa ufalme wa kisiasa na wa kidini hapo kwa wakati mmoja. Danieli 7:24.



113

(Fungu: Danieli 7: 21,25)

5. Pembe ndogo ingetesa au kuwadhoofisha watakatifu. Nikatazama, na pembe iyo hiyo ilifanya vita na watakatifu, ikawashinda; Danieli 7: 21,25.

17 - NAMNA YA KUGUNDUA BANDIA



114

(Fungu: Danieli 7:25)

6. Hii mamlaka ingeli azimu kubadili majira na sheria; Kwa maneno mengine kanisa hili lingejifikiria lenyewe kuwa na uwezo wa kubadili nyakati za Mungu na Amri zake. Danieli 7:25.



115

(Fungu: Danieli 7:25)

7. Unabii unaonyesha ya kwamba mamlaka hii ingetawala kwa ukuu kwa kipindi cha miaka 1260. Kwani Biblia yasema: nao watatiwa mikononi mwake kwa wakati, na nyakati mbili, na nusu wakati. Danieli 7:25.



116

Waweza kuona kwa unabii huu ya kwamba kuna mamlaka moja tu katika dunia iliyoinuka katika wakati sahihi mahali sahihi ili kutimiliza dondoo zote hizi. Hili ni kanisa la Kirumi.



117

Sasa, hebu tukimbie mbele zaidi hadi katika kilele cha unabii mkuu wa Danieli, kwani una mwisho wa kufurahisha sana kwa watu wa Mungu.



118

Katika njozi, kama jinsi Danieli alivyoshuhudia mamlaka duniani zikipambana ili kuupata ukuu zaidi ya zingine katika mambo ya kisiasa na kidini,



119

mtizamo wake kwa ghafula ulihamishwa toka duniani hadi mbinguni.



120

(Fungu: Danieli 7:9, 10)

Nikatazama hata viti vikawekwa, na mmoja aliye mzee wa siku ameketi;

17 - NAMNA YA KUGUNDUA BANDIA



121

Mavazi yake yalikuwa meupe kama theluji, na nywele za kichwa chake kama sufu safi.



122

kiti chake cha enzi kilikuwa miali ya moto na gurudumu zake moto uwakao;



123

Mto kama wa moto ukatoka ukapita mbele zake;



124

maelfu elfu wakamtumikia;



125

na elfu kumi mara elfu kumi wakasimama mbele zake; hukumu ikawekwa na vitabu vikafunuliwa. Danieli 7:9,10.



126

Danieli alimuona Mungu Baba, hapa akiitwa Mzee wa Siku, akija na kuketi katika kiti cha enzi cha utukufu.



127

(Fungu: Danieli 7:22)
Tambua jinsi Danieli alielezavyo tukio hili:Hata akaja huyo mzee wa siku.... Danieli7:22.
Sasa mahakama iko tayari kwa ajili ya hukumu kuanza

17 - NAMNA YA KUGUNDUA BANDIA



128

(Fungu: Danieli 7:10)

...hukumu ikawekwa, na vitabu vikafunuliwa.

Danieli 7:10.

Danieli alionyeshwa hukumu ya mbinguni, Mungu akihukumu mamlaka ya pembe ndogo iliyofanya vita dhidi ya watakatifu.

Danieli pia aliona matokeo ya hukumu hii:



129

(Fungu: Danieli 7:26)

Lakini hukumu

itawekwa, nao watamwondolea mamlaka yake,



130

kuipoteza na kuiangamiza, hata milele.

Danieli 7:26.



131

Kisha Danieli akaona kitu fulani cha pekee sana, kizuri sana, kikitokea baada ya Baba kuketi na hukumu kuwa tayari kuanza:



132


(Fungu: Danieli 7:13)

Nikaona katika njozi za usiku, na tazama, mmoja aliye mfano wa mwanadamu akaja pamoja na mawingu ya mbingu,



133


akamkaribia huyo mzee wa siku, wakamleta karibu naye. Danieli 7:13.



134

Ni nani huyu mheshimiwa aitwaye mwana wa mtu aliyewakilishwa mbele za Hakimu wa Milele?

17 - NAMNA YA KUGUNDUA BANDIA




135

Yesu alilitumia jina hili kwa ajili yake mwenyewe kwa zaidi ya mara arobaini katika Agano Jipya. Kwa wanafunzi wake walioshangaa,



136

(Fungu: Mathayo 17:22,23)
Alisema,Mwana wa Adamu anakwenda kutiwa katika mikono ya watu:



137

Nao watamwua, na siku ya tatu atafufuka....
Mathayo 17:22,23.
Kwa swala la Yuda, mwanafunzi msaliti, Yesu aliuliza,



138

(Fungu: Luka 22:48)
....Wamsaliti Mwana wa Adamu kwa kumbusu?....Wamsaliti Mwana wa Adamu kwa kumbusu? Luka 22:48.
Lakini kauli ya muhimu zaidi ilielekezwa kwa kuhani mkuu aliyekuwa ameketi katika hukumu kwa kesi ya Kristo:



139

(Fungu: Mathayo 26:64)
....Tangu sasa mtamwona Mwana wa Adamu ameketi mkono wa kuume wa nguvu,



140

akija juu ya mawingu ya mbinguni. Mathayo 26:64.
Hapa Yesu bila ya kukosea anajitambulisha Yeye binafsi kama Mwana wa Mtu ambaye Danieli alimwona katika njozi -- Yeye aliyekuja katika mawingu ya mbinguni.

17 - NAMNA YA KUGUNDUA BANDIA



141

Kristo anakuja kwenye hukumu kuwakilisha wadhambi wote ambao wamemkubali Yeye kama Wakili na Mpatanishi.

Kama wakili wetu katika mahakama, kamwe hajashindwa kesi!

Fungu lasema ya kuwa vitabu vilifunguliwa.



142

(Fungu: Danieli 7:10)

...hukumu ikawekwa, na vitabu vikafunuliwa.

Danieli 7:10, sehemu ya mwisho.



143

Vitabu vitakuwa na kila tendo katika maisha yetu kama ni maovu ama mema.

Ipo taarifa pia ya nafasi ambazo Mungu ametupatia na jinsi ambavyo tumeitikia kwa nafasi hizo alizotupatia.



144

Kama tumemkubali Kristo kama Mwokozi wetu na Bwana, pale kesi yetu ijapo mbele za Mungu, Kristo anasimama mbele na kutangaza ya kwamba Yeye ni Mwokozi wetu na ya kwamba Mauti yake imeondoa kila dhambi tuliyopata kuitenda!



145

Katika siku ile kulingana na taarifa za mbinguni, maisha yake yasiyo na dhambi huchukua nafasi ya maisha yenye dhambi tuliyoyaishi, na jambo moja tu ambalo Baba analiona anapotizama katika taarifa zetu ni maisha yasiyo na dhambi ya Kristo ambayo yamewekwa badala ya yetu katika taarifa zetu.



146

Tutakuwa na uzima wa milele, siyo kwa sababu ya kile tulichokitenda, lakini kwa sababu ya kile alichokitenda Kristo kwa ajili yetu msalabani. Pengine Danieli alipendezwa sana hivyo katika swala la Pembe Ndogo na kile kitakachotokea kwayo kiasi cha kurukia mbele na kutoa kisa kamili cha kazi yake, ambacho kwa hakika huchukua nafasi baada ya hukumu ya upelelezi,

17 - NAMNA YA KUGUNDUA BANDIA



147

wakati mambo ya dunia hii yakiwa yametizamwa kwa karibu na uamuzi kufanyika juu ya wale watakao kuwa sehemu ya ufalme wa milele wa Mungu. Ufalme ulikabidhiwa kwa Kristo na mamlaka yake:



148

(Fungu: Danieli 7:14)

Naye akapewa mamlaka, na utukufu, na ufalme,



149

ili watu wa kabila zote, na taifa zote, na lugha zote, wamtumikie:



150

mamlaka yake ni mamlaka ya milele, ambayo hayatapita kamwe,



151

na ufalme wake ni ufalme usioweza kuangamizwa. Danieli 7:14.

Danieli anaendelea na habari nzuri zaidi juu ya ufalme huu:



152

(Fungu: Danieli 7:27)

....Na ufalme, na mamlaka... watapewa watu wa watakatifu wake Aliye juu.....

Danieli 7:27.

Watu wa Mungu, watakatifu wake, watakuwa warithi pamoja na Kristo katika kuchukua ufalme ule wa milele:



153

(Fungu: Danieli 7:18)

....Lakini watakatifu wake Aliye juu wataupokea ufalme, na kuumiliki huo ufalme milele, naam hata milele na milele. Danieli 7:18.

17 - NAMNA YA KUGUNDUA BANDIA



154

Sehemu hii ya unabii inapelekana na lile jiwe katika ndoto ya Nebukadneza lililochongwa bila kutumia mikono ya mtu na kulipiga sanamu miguuni na kuwa



155

(Fungu: Danieli 2:35)

.....milima mikubwa, likaijaza dunia yote. Danieli 2:35.

Katika sehemu hizi mbili za kinabii zinazolandana--- ndoto ya Nebukadneza ya sanamu kubwa na



156

ndoto ya Danieli ya wanyama -- Mungu aliiweka kwa muhtasari historia ya dunia tokea wakati wa Babeli ya kale hadi siku kuu wakati Yesu atakapokuja kuuweka ufalme wake wa milele wa upendo na haki.



157

Sisi leo tunaishi pale chini kabisa katika nyayo zenye mchanganyiko wa chuma na udongo.

Wakati unaisha kwa dunia hii na wakaaji wake!

Huu ndiwo ujumbe Mungu anaojaribu kushirikiana na kila mmoja wetu kwa njia ya unabii wake huu Mkuu.



158

Ni njia ya kushangaza kiasi gani ya kutabiri karne nyingi zijazo za historia ya ulimwengu katika sura mbili tu za Biblia!

Na ukija kulifikiria, je ndoto iliyotolewa kwa Danieli usiku ule wakati mrefu hivi uliopita kule Babeli haikuwa kielelezo kizuri zaidi cha upendo wa Mungu na kuhusika kwake na watu hapa duniani?



159

Unaona, Yerusalemu ilikuwa katika uharibifu.

Watu wa Mungu, Israeli, walikuwa utumwani kule Babeli.

Mambo yalionekana kutisha.

Lakini Mungu, katika njia hii isiyo ya kawaida, alikuwa akimwambia Danieli, Bado ninawatawala.

17 - NAMNA YA KUGUNDUA BANDIA



160

Wafalme watakuja na kwenda.

Milki zitainuka na kuanguka, lakini sijasahau watoto wangu duniani au mpango wangu kwa ajili yao. Siku moja kila kitu kitakuwa sawa. Na rafiki, wafalme na falme zimekuja na kwanda.

Jumbe za kinabii pacha za sanamu na mnyama zimekaribia kufikia utimilifu wao wa ujumla. Yesu anakuja upesi kutekeleza hukumu na kurejesha mamlaka iliyopotezwa na Adamu na Hawa muda mrefu uliopita.



161

Anataka watoto wake wote katika Sayari Dunia kuwa sehemu ya ufalme ule, kuwa tayari kwa ajili ya wakati ule wa utukufu wakati Mwokozi wetu atakaporejea!

Kwani katika siku ile ya utukufu tutamwona - Mwokozi wetu na Bwana!